

Հաղթանակած գործ

Արմինե Խուդոյանը հանդիսանալով Էջմիածին համայնքապետարանի ՔԿԱԳ գործակալության բաժնի պետը, Էջմիածին համայնքի ղեկավարի կողմից ազատվել էր աշխատանքից այն հիմնավորմամբ, որ աշխատանքի նշանակվելիս վերջինս չի համապատասխանել պաշտոնի նկարագրի պահանջներին, ինչը անհիմն է եղել, քանի որ Ա. Խուդոյանը լիովին համապատասխանել է իր պաշտոնի նկարագրի պահանջներին: Արմինե Խուդոյանի խախտված իրավունքների պաշտպանությունը ստանձնել էր **փաստաբան Կարեն Հովհաննիսյանը (արտոնագիր թիվ 1212)** և վիճարկել էր համայնքի ղեկավարի կողմից կայացված անհիմն վարչական ակտը դատական կարգով՝ պահանջելով անվավեր ճանաչել աշխատանքից ազատման մասին հրամանը և անձին վերականգնել իր նախկին աշխատանքում: ՀՀ վարչական դատարանը 26.06.2019թ. թիվ ՎՂ/8812/05/18 վարչական գործով կայացված վճռով բավարարել է ներկայացված հայցադիմումը՝ անվավեր ճանաչելով աշխատանքից ազատման վերաբերյալ Էջմիածին համայնքի ղեկավարի հրամանը և Արմինե Խուդոյանին վերականգնելով իր նախկին աշխատանքում:

Արդյունքում Արմինե Խուդոյանը վերականգնվելու է իր նախկին աշխատանքում, հոգուտ վերջինիս բռնազանձվելու են պարապուրդի գումարները՝ չաշխատած ողջ ժամանակահատվածի համար և վերականգնվելու են աշխատողի խախտված իրավունքները: